



Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

§. II. De Concilii Tridentini fatis in suo progressu.

[urn:nbn:de:hbz:466:1-67192](#)

si detrectant Concilium, per nos quidem eis licet, nos nullo opus habemus Concilio, & si ob id nobis irascuntur, age, facimus eis jus concacandi fœmoralia, & a collo suspendendi, & hoc effet bulla amaricini, & osculum pacis pro id genus delicatis sanctulis. Deus indignos eos judicat, qui vitam emendent, aut aliquid boni faciant, traditi sunt in reprobam mentem. Quamvis autem Tridentina Synodus jam a principio tam sinistro fato propter crebras oppositiones exponi videtur, atque a Sectatoribus impugnata, convitiis lacerata, dolosis effugiis declinata atque elusa fuerit, imo etiam ob bellum Gallicum & Turicum illam differre oportuerit, nihilominus sicut sincero veram fidem stabiliendi, ab haeresum fœce expurgandi, tumultus restituta unione sedandi animo a summo Pontifice, Imperatore, Præfulibus, Principibus aliisque Catholicis ardenter fuit exoptata, ita etiam aspirante Sancti Spiritus afflatu feliciter utiliterque fuit inchoata, ringentibus licet inferi portis.

§. II.
De Concilii Tridentini fatis in suo progressu.

Postquam igitur in decem omnino Seffionibus cum ingenti animorum consensu, ac immoto religionis ac reformationis studio fides Catholica circa Scripturam Sacram

cram, originale peccatum, justificationem,
& Sacraenta fuerat roborata, necnon fa-
liberrimis decretis varia circa emendatio-
nem stabilita, anno 1547 tum propter mor-
bum Tridenti grassantem, tum propter im-
minentes belli Smalcaldici tumultus Syno-
dum prorogare decernebatur; interim Pro-
testantes ac Smalcaldici foederati prosperum
Tridentini Concilii initium indignantes, cum
vererentur, ne Cæsar eos ad illud ample-
ctendum cogeret, jam anno 1546. in suo
Francofordiensi Conventu sese saltem se-
cundis hujus Synodi progressibus opponere
statuebant, non jam suæ sectæ articulos
examinari petentes, sed in id unice inten-
ti, ut plenam novi sui inventi libertatem
Mahometanorum more armis extorquerent:
insuper, ne a Cameræ Imperialis judicio
tanquam Deo, Ecclesiæ & Cæsari perduel-
les plecti possent, hujus tribunalis auctori-
tatem labefactare, ac ex suæ sectæ fauto-
ribus aliquos Judices intrudere molieban-
tur: cum vero antea saepius jactitassent,
quod cuiilibet poscenti novæ suæ doctrinæ
rationem reddere parati essent, in Ratisbo-
nensi colloquio a Cæsare indicto in arenam
contra Catholicos descendere tentabant:
ast Bucero varia contra Protestantum vo-
luntatem concedere coacto, quatuor illo-
rum Pugiles propudiosa fuga disputationis
aciem Catholicis Victoribus relinquere
compellebantur, nec minori ignominia Pro-

testantes jam bina victoria a Cæsare debellati sese ejusdem arbitrio permittere, ac Concilio Tridentino parendum esse, in Augustanis comitiis decernere cogebantur. Tum ergo Caroli V. Cæsaris, quem Protestantes Imperii Principes non sine atroci injuria nonnisi *Carolum Gandavensem* appellabant, opera de Concilio Bononia Tridentum revocando agebatur, & quamvis per quatuor omnino annos hoc Concilium fuisset suspensum, Julio tamen tertio regnante in Sessione XI. illud iterum Tridenti esse continuandum sanciebatur. Postea in Sessione XIII. dogmata de Sacramento Eucharistiæ ex Sacris literis fuere corrobata, in sequentibus vero sessionibus de Pœnitentia atque extrema unctione actum, simulque tredecim reformationis decreta edebantur: demum vero rursus invitabantur Protestantes Theologi, frustra tamen expectati, etiamsi illis idonea securitatis cautio facta fuisset: anno autem 1552. Mauritius Elector bellum adversus Imperatorem suum, necnon contra ipsum Concilium movere aggrediebatur, ut Lutheranos a Papæ, Concilii & Cæsaris obedientia vi illata exsolveret, novamque Sectam in Romano Imperio stabiliret: unde non modo impropositum hoc bellum, sed etiam transactio Passaviensis metu vique extorta prosperos Tridentinæ Synodi progressus, iniquissimo fato retardabant, adeo, ut

ut Concilii suspensionem anno 1552. decernere oporteret, quæ etiam suspensio partim ob bellum Cæfarem inter, & Henricum II. Franciæ Regem, partim ob Julii III. & Marcelli IL & Pauli IV. obitum opinione diutius tenuit: propitio autem facto postea Ferdinandus in Cæfarem coronatus, & Pius IV. ad Divi Petri Cathedram electus est, ubi ambo hi veræ fidei pugiles Synodi progressum promovere, sublatisque dissidiis Ecclesiæ pacem revocare unice intenti erant: quapropter hic idem Pontifex anno 1560. hoc Concilium esse continuandum edito diplomate declarabat: nec tamen propterea quievere Protestantes, qui Synodum continuari dolentes, quid agendum esset, anno 1561. Naumburgi consultabant, aliis censentibus, quod unaomnes Confessio Augustanæ subscribere deberent, ne ob sua in religione dissidia Catholicorum in una fide per tot sæcula conjunctorum contemptui sese ulterius exponerent: aliis vero huic consilio sese opponentibus, iterum re infecta discessum est, prout in omnibus ferme hæreticorum conventibus factum legimus: ne vero excusationem obtendere possent, denuo a Pio IV. Pontifice & Cæfare humaniter ad Synodum invitabantur, sed illi Concilium respuebant, cum in suo sensu potius abundare, quam Matris suæ voci obtemperare mallent.

Præterea circa annum 1562. Concilii progressum recens exorta Calvini hæresis turbare videbatur: prævalente tamen Spiritus Sancti gratia, ac proborum zelo continuanda Synodi celebratio decernebatur, quamvis inimicus homo nova rursus obstacula opponeret, suscitata diffensione dubitantium, an hoc Concilium esse continuum vel potius de novo indictum diceretur: ubi simul etiam aliæ lites, difficultates, & impedimenta a Principum Oratoribus, aliisque de honoris, sedisque prærogativa, necnon de Calicis usu opponebantur, quibus tamen omnibus compositis, ac Protestantibus rursus ad Synodum vocatis in Sessione XXI. de communione sub utraque specie fidei Catholicæ dogma, necnon novem reformationis decreta fuerunt sancta: in sequenti autem Sessione præter fabuberrimos undecim reformationis articulos doctrina de Sacrificio Missæ Sacræ Scripturæ testimoniis corroborata est. Post hæc denuo hujus Synodi cursum morabantur altercationes de loci prærogativa inter Hispanum & Gallum Oratores: hac controversia autem feliciter composita anno 1563. de Sacramento Ordinis actum, ubi etiam octodecim reformationis capitibus provide admodum variæ corruptelæ tollebantur, sicut etiam in Sessione XXIV. anno 1563. de Sacramento & reformatione Matrimonii duodecim Canones ac quinquaginta decreta

ta condebantur, ipsaque Synodus vere pacis studioſa litem ex his verbis: *proponen-
tibus Legatis* exortam componebat, decla-
rans, quod per ista verba nequaquam in-
tendat, ut consueta ratio negotia in Gene-
ralibus Conciliis agitandi ulla ex parte im-
mutetur. Denique in Sessione XXV. actum
est de Purgatorio, veneratione Sanctorum
eorumque reliquiis, sacrisque Imaginibus,
ex quibus Capitibus Protestantes fane col-
ligere potuissent, quod hæc Synodus sin-
cero animo ea, quæ emendanda occurre-
rent, reformare intenta fuerit, proin &
ipſi suas, si quas haberent, æquas queren-
di cauſas libere, ac non sine satisfactione
fua proponere potuissent, si duntaxat vero
Ecclesiam reformandi studio acceſſi fuif-
ſent. Adjungebantur insuper viginti &
unum decreta de regularibus, & viginti
de Episcopis, ut hac ratione ceteris etiam
Protestantium, aliorumque querelis fatis-
fieret.

Haud equidem inficiamur, in toto hu-
jus Synodi progressu plures etiam inter Ca-
tholicos altercationes, oppositiones, ac
dissidia fuiffe exorta, quin tamen exinde
laesa fuisset charitas, aut unanimis in fidei
rebus consensio imminuta; imo haud im-
merito observandum venit illud discriminem
inter legitima Catholicorum Concilia, &
Novatorum conciliabula, quod quamvis ob
opinionum varietatem aut diversa Natio-

num studia non raro in ejusmodi Catholicon
corm Conciliis crebræ acresque interve-
nerint disceptationes, semper tamen circa
fidei articulos omnium consensio floruerit,
& litibus cunctis feliciter compositis ejus-
modi Synodi cum maxima Ecclesiæ utili-
tate, ac fidelium jubilo fuerint absolutæ,
cum econtra in Sectatariorum conventicu-
lis nonmodo animorum acerbitates, ver-
borum contentiones, & jurgia assidue præ-
valuerint, sed insuper hi nonnisi mutuis con-
vitiis, contumeliis, injuriis, ac vindictis
in vicem sese lacestriverint, adeo, ut ejus-
modi conventus semper cum majori Reli-
gionis dissidio continuati, ac demum re-
infecta soluti fuerint: nec id mirum, eo-
quod hi litigantes omni certa fidei regula,
ac supremo & infallibili Judice destituti
nil nisi privatum spiritum, ac singendi sen-
tiendique libertatem sequerentur.

§. III.

De Synodi Tridentinæ fatis in ejus exitu.

Tandem in Sessione ultima promulgato
de Indulgentiis decreto, aliisque fan-
citis atque emendatis Synodo finem esse
imponendum decernebatur, eo quod hæ-
reticos illuc comparituros spes nulla af-
fulgeret, aliunde vero quicquid ad Eccle-
siæ utilitatem, incrementumque necessa-
rium esse Patribus visum fuerat, abunde
sta-